



議處安南事宜

兵部為遵奉

明旨議處安南事職方清吏司案呈奉本部送兵科
抄出叅贊軍務太子賓客兵部尚書兼都察院右
都御史毛伯溫題據監督中冓軍務廣西分守左
江道添註右叅政翁萬達呈據委官督備龍憑等
處地方馴象衛指揮使王良輔會同太平府知府
江一桂呈稱本年六月內節奉牌案備奉軍門檄
間行委職等傳諭安南審接夷目莫登庸回報投
降聽處情詞是否真實莫登庸始則憂危繼尚猶

言身是南軍
豫似欲延緩我師彼蒙軍門親臨近邊相度便宜
分委監統諸軍水陸並進龍憑思陵三哨連營列
壘威武振揚兼且閔隘謹嚴謀使間發登庸遙度
我兵壓境乃益洵惧亟請出境降服聽候處分情
甚哀懇職等稟蒙軍前於本年十月二十八日允
令彼國小目陳栞等恭詣念涯等營蒲伏陳款業
示十一月初三日准其來降職等乃預於鎮南閔
近地開張幕府高築將臺俟俟軍前進止至期莫
登庸素衣繫紐躬率小目耆士人等亦各以尺帛
東頸俟于南閔懇要職等教以儀節乃令於閔樓
之上設位演習職等時於軍前稟蒙劄兵去關里
許士卒無譁軍容嚴整儀物備盛乃於臺上恭設
龍亭覆以黃幄中立

令其令牌前置香案兩廣三司副叅監統衙門并
齋執旗牌官分班列待傳令門關登庸暨其姪莫
文明并小目耆士人等由關道在脫履跣足面北
而跪職等稟准傳遣生員謝天縱為解其祖及接
受降本登庸乃俯伏五拜三叩頭畢伊姪并小目
耆士人等亦各以次降服如儀合國夷民引領於
彼國関口若崩角稽首者又不知其幾萬人也少

頃登庸仍率其姪并小目耆士槩國夷民恭向軍
前俯伏再拜當蒙

宣諭

朝廷恩威及軍門號令姑容戴罪還國待為轉奏
賜以不死登庸復俯伏再拜蒙面諭稱謝回還訖
隨蒙監紘諸司按臨關界登庸倉惶脫履跪迎俯
伏再拜蒙面諭兩廣雲南恐有法外姦細并玩法

諸上官乘機嚇詐及生事造言者宜一切勿聽我

天朝正大之體軍門嚴明之法汝宜知之等語登庸
跪聽畢又俯伏再拜叩頭而謝職等乃傳令閉關

收兵回營其伊姪莫文明并小目從人許三省阮
簡清阮延祚楊諫等共二十八人莫文明代責登
庸降本一通小目阮加桂杜世卿鄧文值等另具
降本一通俱經稟蒙委官押送前赴

欽差軍門投遞并將彼國申文結狀一樣二十本各
另繳報及粗一條封繳本道外為照夷目莫登庸
梟雄狙詐侍險乘危僭號紀元妄自尊大父子相
繼命且二十餘年矣一旦躬率國人按降乞死情
詢卑順似出中誠實由我

皇上聖德懋昭神武於赫

欽差大臣訐謀遠算運用不窮而監統諸司又皆戮力同心動作有紀兵方陳而未加糧已集而不費乃能使遠夷稽顙款塞自縛乞哀考之前古夷狄雖有投降未聞若是其恭順者也以此而書之史冊固足以傳播當時昭示來代具於我成祖之烈為有光焉職等得於目觀喜幸不勝如蒙伏乞轉達軍門撥議具

奏為此今將前項緣由并夷目登庸及小目耆士阮如桂阮經濟等申文結狀理合呈乞施行據此隨看得莫登庸申為投降乞

恩宥罪事內稱登庸荒徼細氓限於知識然每遙瞻北極光被南邦天清地寧海安河潤登庸仰知中國有聖人久矣况

天威震動之下而有陽春駘蕩之仁俱感交并曷可云喻登庸竊惟先國王黎民末運迺遭相繼命喪及至黎廣攝國未幾亦遘危疾臨終倉卒之時苟從夷俗暫以國事付之於登庸又付其子方瀛未及奏請委涉擅專雖君門萬里難於

上聞而罪實滔天豈容自昧嘉靖十七年登庸父子謹遣阮文恭等賫表丐降并祈處分俱出城心別

無虛詐但積誠未至不能上動
聖心夙夜憂危靡遑寧處嘉靖十九年正月二十五
日登庸子方瀛不幸遘疾而亡國人狃於舊習欲
以方瀛長子福海代領其衆登庸慮前誤相度授
受義已不安今若再徇所謂員罪益重無以自解
以此登庸與長孫福海惟執共以俟
入朝命頃者大將專征重兵壓境登庸猶罔豕何足
以當惟是國人亦危朝夕幸見軍門檄問備奉
天言慈渥無涯拊膺流涕竊念登庸有罪黔首無辜
聖慈不忍以登庸之故而駢戮群黎登庸何幸以群

黎之故而槩存殘喘已於國內北望
嵩呼率同小目阮如桂杜世卿鄧文直耆人黎埜阮
總蘇文速士人阮經濟楊維一裴致永等於嘉靖
十九年十一月初三日恭俟南關組繫出境詣幕
庭而稽首輸中款以投降登庸本欲躬自赴京瞻
天請死緣以衰老不堪匍匐長孫福海方在喪次不可
遠離登庸謹遣親姪莫文明并先國王舊臣許三
省阮簡清阮延祚等詣

闕待罪亦以見登庸父子往年降表委係畏
威懷德不敢有飾詐之心伏望

矜宥俾獲自新其土地人民皆天朝所有惟乞俯順夷情從宜區處使登庸得以內屬永世稱藩及比照列藩事體歲領

大明一統曆書判布國中共奉

正朔則莫大之幸也雖登庸先國丁氏陳氏黎氏迺相沿襲稱號紀元登庸悔悟之餘固知其不可已經嚴戒國人一切革除聽候

新命豈敢仍蹈往謬自速

天誅比者登庸問廣東欽州知州林希元奏稱如昔貼浪二都漸凜金勒古森了葛曰崆係欽州故地

果如所稱唯

命是聽其本國先年缺貢應合類補及以後年分績貢方物登庸不敢遽以為言者以方在罪中求免一死尚恐不得耳又登庸與國人欲照

先朝故事備辦伐身金銀入

獻上亦慮唐突惟以投降聽處實情具奏若天朝原賜本國王印信登庸止宜謹守不敢擅用伏望乘察登庸不勝戰慄之至

為此理合備申伏乞轉達施行等因又看得小目阮如桂杜世卿鄧文直耆人黎烜陳氲阮總士人

阮經濟揚維一裴致承等申為懇乞
天恩俯賜生全事內稱竊惟普天之下莫非王土率
土之濱莫非王臣如桂等國人雖處荒隅實賴
覆冒方得並生但去
天獨遠國中往往多難正德嘉靖年來逆臣陳曷
陳昇鄭綏杜溫潤等迭邁亂謀逼脅國奔黎凋遇
害黎譚播遷宗氏淪亡獨存黎慮攝國未久亦以
病終地方擾攘生民塗炭至此極矣其時莫登庸
討平諸逆委有功劳然土地人民皆
天朝所界慮以授之登庸受之又私其子未及請

命罪復何害如桂等國人亦因喪亂流離之後慮恐
不逞之徒復蹈曷等往轍禍且不已乃倉卒為永
生之計自擇其主私相推戴寔出無知其罪亦與
登庸同也後因道路阻絕閉禁謹嚴雖屢且情詞
懇求無由

上達罪狀益深致蒙
天威震怒命聞專征前年軍門移檄本國登庸父子
恐懼不寧謹已上表乞降未蒙
俞允茲者復勤大將統握重兵勢如雷霆聲震蠻
嶠自分必然齏粉無復孑遺矣豈意曲蒙

恩宥容令輸情監統委官壓境
宣諭合國之人皆相對涕泣扶老携幼祇候軍門願
同登庸束身降服所幸不死是
父母之恩
天地之賜也威戴懽忻豈有窮極如桂等又惟民不
能自治事必先正名名不正則事無所攝事無所
攝則群然而爭渙然而離者莫之禁也欲免亂亡
其可得哉今

天朝既賜登庸與國人以更生矣若使終於亂亡則
聖明之心必有所不忍者以此如桂等又有拳奉之

私欲瀆

聖聽以為終始生全之地登庸自管事以來稍知緩
輯一國旄愧幸得蘇息今且畏

威悔罪與其長孫福海共候

朝命不敢因襲舊弊自擅攝國及已戒飭自民不復
仍前妄稱號矣竊惟登庸祖孫誠負重罪但今實
已省悔又頗為夷情所歸然非仰藉

聖恩畀之名色何以約束國人使不為亂若鄭惟懌
所稱黎寧者實係阮塗之子黎比委果無人登庸
已於國都為設香火以存黎氏之祀若果真係黎

氏子孫合國黎民豈容登庸欺蔽伏望
聖慈垂察

矜憐遠方生靈俯順夷俗賜登庸以
新命俾得管攝夷民世世稱藩如桂等亦保有殘
生永為藩民則天朝生育之恩當與罪天地相
為無窮矣如桂等幸甚一國幸甚為此今將前項
緣由理合備申伏乞轉達等因又看得小目阮如
桂杜世卿鄧文值黎伯驪鄧永壽耆人黎烜陳氣
阮總蘇文速裴公輔士人阮經濟楊維一裴致永
吳福星謝詢等結狀為輸情事內稱阮如桂黎烜

阮經濟等結得本國夷目莫登庸委的畏
威服罪先今乞降聽處

表本祖係實情並無飾詐合國人民亦無異詞如虛
甘受誅戮等因據此會同統督本哨鎮守廣西地
方副總兵張經廣東布政司左布政使楊銓廣西
布政司左布政使祝續廣東按察司按察使歐陽
席廣東布政司左布政張岳廣東布政司總理糧
賞右叅政蕭晚監督海哨廣東按察司分巡海北
道副使陳嘉謀監督左哨廣西按察司分巡左江
道副使鄭寧古監督右哨廣西按察司分巡右江

道副使許路廣西布政司總理糧賞右叅議陳茂
義統督左哨分守柳慶地方右叅將李榮廣西都
司掌印都指揮顧邦重廣東都司都指揮董廷玉
軍門取用協助中哨暫代分守海梧等處地方都
指揮白滋議照得安南國夷目莫登庸僭逆之罪
中外共知往年提督都御史蔡奉
命征討經畧諸所便宜誕修文告莫登庸父子亟遣
未目人齎執表狀乞降聽處俱加兵也
聖人在上明見萬里
命下該部題差總督叅贊大臣授以間計一面勅

處情偽一面調度兵糧示不殺降不廢武也大臣
鎮臨諸司集議錢糧兵馬屬已戒嚴然猶不遽加
誅先遣檄問詞嚴義正欲得其情以為進止遵
宸筭也繼以夷情自懷猶豫乃分命監統張皇我師諸
路連營尅期並發登庸遂率國人束身投款畏
天威也現其所稱方羸病死福海俟
命及願去僭號奉
正朔歸欽州四峒之地事辭頗為恭順合國之人
又有並無異詞結狀而登庸之組繫出境蒲伏迎
降及遣親姪抱本入朝侍罪情亦懇切其畏

威懷德誠有如各官所呈者但稱乞要內屬稱藩歲領
大明一統曆書刊布國中及稱黎氏無人等項事体
關係重大均乞軍門裁處職等未敢擅便擬合會
呈為此今將前項緣由及莫文明等二十八人并
莫登庸請降投降申文結狀同抄白通國小目耆
人士人降本并登庸所繫組一條理合具呈狀乞
照詳施行據此臣等看得前項事情委係重大會
行兩廣布按三司會同副叅都司等官再行詳議
去後隨據兩廣左布政使楊銓祝續按察使歐陽
席左叅政張岳右叅政蕭晚翁萬達林茂竹左叅
議周延右叅議汪大受陳茂義副使陳大珊陳加
謀涂煊韓楷鄭宗古許路朱良僉事劉廷範李義
莊莫同王宇馮徽會同鎮守廣西副總兵張經分
守雷廉高肇左叅將高誼分守瓊州叅將程鑒分
守枰慶左叅將李榮都指揮僉事董廷玉楊忻顧
邦重白法軍門取用原任都指揮同知張輓議照
莫登庸父子為惡罪狀先據黎寧鄭惟懌奏訴該
廷臣集議數其十罪法當誅戮奏蒙
皇上赫然震怒命將出師聲罪致討方當舉事之
時而登庸父子即已上

表乞降深自悔罪願以土地人民悉聽處分蒙提督
衙門查照兵部原題准事理具由奏
請該部覆議得夷情叵測詞雖卑懇意或詭秘少涉
於偽即為所欺伏蒙
皇上特勅總督叅贊大臣受
命傳聞會同提督軍門布德宣威案行兩廣雲南三
司等衙門積備糧餉船馬器械調集漢達狼土官
兵以俟大舉且又檄問登庸父子責其降意不誠
傳諭被國人民使其協力討賊即今糧餉充盈兵
馬四集分列哨道尅期進討而方瀛未蒙

天討已罹鬼誅登庸悔艾愈深情詞愈切自比園豕
願效牽羊伏棘門以請死表裏曲之無他至於削
去偽號奉歸侵地俱出真實此蓋我

國家大信素孚

天威遠振而軍門檄文奮武動中事機故收全功於
尊俎訖聲教於海隅曠古罕聞于今獨盛其所乞
請內屬永世稱藩歲領
大明一統曆書共奉

正朔及獻歸黎民原侵欽州四峒均乞軍門俯順
夷情查照該部原題奉

欽依事理悉為裁處施行即所謂君之宗之定經制以整屬其民匪疾匪棘廣式辟以疆理其土庶足以慰遠人向化之誠昭

王者無外之治民夷莫安萬世永賴矣擬合會案通呈為此今將會議過緣由具呈伏乞裁處施行等因到臣議照安南自五代以來丁氏黎氏李氏陳氏皆據有其土負險為固我

太祖高皇帝定天下之初陳日燧首先納款獲蒙褒封其後寢以衰微為賊臣黎季犛所篡我成祖文皇帝大興問罪之師俘季犛并其支黨以獻

求陳氏之後而不可得乃郡縣其地未幾而簡定李擴月湖黎利相繼叛亂而黎利尤為背逆公中國調兵轉餉為之騷動其幾二十年我宣宗章皇帝不忍以炎徼無用之地久煩中國姑示包荒俾獲內附而利敢忘大恩紀元僭號其子若孫輒有二名黎龍為名濬黎漳偽名敬黎濬為名誼黎濙偽名昞黎倚偽名諱的名以事神祇偽名以事

中國習相悖謬致成亂階竟至微弱莫登庸以討陳嵩父子為功漸績事權因而竊據我

皇上統天立極表正萬邦先年以登庸之罪義所當
誅然猶命下廷臣議行查勘未擬加兵登庸父子
悔罪革心亟遣頭目來獻國中州縣之數願聽
處分情詞甚恭

皇上明見萬里謂或中有詭秘未盡信復
勅臣等親詣地方從宜處置如果束身待命即便
星馳奏聞臣等遵奉勅諭及欽依事理整
備兵糧奉揚天討仍一面徵勘及懸賞格以勵
彼國忠義之心嚴紀律以作我師勇銳之氣分遣
監督統督等官各領漢達官軍土兵於兩廣緣邊

地方連營壓境其雲南并湖廣福建軍馬亦行令
整棚以待師期先聲所震勢若雷霆莫登庸與其
國人愈加洵惧乞降之誠恐終無以表見乃束身
款塞懇稱哀老遣其親姪抱本待罪情願奉
正朔去借號歸所侵四峒之地不敢踵黎氏謬習
臣等察其情辭委果恭順遵照

欽依事理待以不死暫令回國恭聽處分備行三司
副叅將等官會議今既僉同似宜酌處竊惟自古
南夷創亂類皆桀驁徂詐憑恃險阻勢強則鴟張
以梗化力屈則鼠竄以全身中間亦有稍識利害

通款求附止遣使奉表致其方物如尉佗黎桓者
以漢文帝宋太宗之成雖名為向服未有褫衣自
縛扣求哀切如莫登庸今日者昔苗民逆命舜命
徂征及其來格則從而分比云者謂分別種類明
立界限使之有所約束以遂其生蓋不如是勢必
復致爭亂而吾所以涵育化生之仁亦有所壅闕
而不能全此帝王之待夷狄所以為義之至而仁
之盡也伏惟 皇上德符禹舜功光 祖宗
神武之威歲於不殺 顯比之化溥於無私是以先聲丕振而黔首震驚一

夫不遺而蠻邦底定蓋已收有苗來格之功寧可
無虞庭分北之政所擬莫登庸并小目耆士人等
乞要內附稱藩歲領 大統曆日補足節年貢物等項相應遵照原奉
欽奉悉為議處臣等查得安南自漢晉以後雖稱內
附然夷獠之俗瘴毒之氣終不宜於古中國大率
大數歲一亂亂必連結黨類項陷殺戮又必數歲而
後定昔張輔以十餘年勞費僅得數年郡縣叛者
命相繼卒歸于夷此其明驗也叅酌前世利害莫若
外而不內以夷治夷庶為穩便如以莫登庸有罪

投降未宜輕授爵王伊孫莫福海見今待
命儻蒙矜宥或可別與都護總管等項名色如漢
唐故事每年行廣西布政司頒給
大統曆日令赴鎮南關祇領先年所缺貢儀查照補
足以後年分照常舉行其欽州漸凜古森了葛金
勒四峒行令原為安南事添註叅政副使等官查
照原額編入欽州版籍仍量優恤三年以後一體
糧差其先後差來夷使事畢放回此正所謂以夷
治之者也但恐議者尚以黎氏為疑臣等竊伏思
惟黎利倡亂阻兵陷沒群縣殺敗官軍大將如柳
昇大臣如陳洽皆死於利之手其餘官吏戍卒不
能自拔者悉遭荼毒臣等至今言之尚為痛心我
宣宗時以生靈之故不欲窮兵而故興之耳今莫登
庸之罪既與黎利之捐夏者不問而一聞
天聲遂匍匐請死亦與黎利之屢抗王師者又為間
入黎利既蒙寬貸則登庸似應未減至若黎寧雖自
稱黎利子孫然臣等節據諸司查勘踪跡委的難
明鄭惟憐一向潛住該國上下朗石林州峒寨附
近廣西土官地方黎寧而貌初不相識故或稱黎
寧或稱黎憲或稱光照或稱元和或又以為阮塗

之子或又以為鄭氏詐稱而近據雲南布政司開
報會審夷人鄭垣口詞稱漆馬江峒雖有黎寧而
來歷宗派不可得詳所列事情年貌又與鄭惟憭
原報互異惧難憑據臣等以為今所處分係我
天朝安邊境馭遠夷之大策其操縱予奪不宜以逋
賊之子孫而為前卻但黎氏自修貢以來已蒙
列聖寬宥若其遺裔尚存似宜體恤合行雲南撫等
等官查勘果有可據別無異同聽令仍於漆馬江
居住見在所有地方俱屬管束或量與職事徑雲
南若非黎氏子孫置而勿論其鄭惟憭即於廣東

所屬隨宜安插量給田宅不致失所如此處分庶
為曲盡但事體關係重大臣等一時之見未敢遽
以為然如蒙乞 勅該部會議上具請取自 聖裁
使大疑以決大事以定華夷內外自是可晏然
無事矣臣等猥以菲才叨承 重寄夙夜圖念兵
事進止頗審機宜昨因莫登庸來降 宣諭 德意
不但夷民勸忻鼓舞而我之三軍萬姓
以至徭矜獐疑莫不同聲歡呼如和氣發動百物
咸熙實由我

皇上聖武照布 文德誕敷動之斯和不行而至蓋

不待斬將奪旗之功而自著威遠寧邇之績真可
超越百王彰示來世者也而勲輔大臣贊密勿之
謨禮兵二部集衆思之益上下同德慮出萬全
宣膚功之奏夫豈無自臣等亦惟仰遵
廟等龜勉從事豈敢言勞除將莫登庸抱本姪莫文
明并小目耆士許三省等另差官管押赴京開坐
具奏及將莫登庸自縛組一條發仰南寧府貯
庫并查効勞大小官員另行分別具題等因與
同提督兩廣都御史蔡經各會本具題奉
聖旨這馳奏安南事情兵部便看議停當來說欽此

欽遵抄出送司卷查原行事理相同案呈到部看
得叅將軍務太子少保兵部尚書兼都察院右都
御史毛伯溫等會題稱安南國夷目莫登庸投降
備細緣由乞 勅該部會議上 請取自

上裁及稱除將莫登庸抱本姪莫文明并小目從人
許三省等另差官管押赴京并查大小効勞大小
官員另行奏 請各一節為照夷酋莫登庸竊據
炎荒罪惡深重 王法不容

天討必誅于時臣等中外臣工意見淺昧惟我
皇上斷自宸衷刻期南征故

天威所被將領戮力義旅方張夷酋繫頸允協
宣皇之心有光

成祖之烈所擬各官具題前因議處詳盡但事體重
大况莫文明等并降本尚未到京臣等遽難議擬
合無候莫文明等并降本至日臣等會集五府六
部都察院通政使司大理寺并六科十三道掌科
掌道官將前項事宜逐一議處止請伏候

聖裁庶衆議僉同事體穩便緣係遵奉
明旨以議處安南及奉

欽依這馳奏安南事情兵部便看議停當來說事理

未敢擅便等因嘉靖二十年二月初九日少保兼
太子太保本部尚書張瓚等具題本月十一日奉
聖旨是欽此欽遵抄出送司案呈到部擬合通行會
議為此除外合用揭帖會議施行須至揭帖者其
兵部等衙門尚書等官張瓚等題為遵奉

明旨以議處安南事奉
聖旨這事情你每既會議安南國着革作安南都統
使司莫登庸授與做都統使賜從二品衙門銀印
仍與世襲其十三路地方就照原籍各置宣撫司
設宣撫同知副使僉事各一員聽都統使管轄差

遣朝貢其餘各境大小官屬聽彼處從宜建置統
屬人民前黎氏僭擬中國制度都着改正迴避獻
還四峒地方原係我邊昨准收入版圖還行與兩
廣巡撫衙門好生優恤投降人等罪都赦了莫文
明准賞素紵絲一襲綵段二表裏阮文泰等綵段
一表裏許三省等紵絲一表裏事完即日遣回貢
儀御前東宮照舊彼地方戶口錢糧不必冊奏其
餘依擬

平蠻錄

公安 王軾

欽差提督軍務南京戶部尚書兼都察院左副都御

史臣王軾謹

題為捷音事先節該欽奉

勅該貴州鎮巡官奏普安蠻賊福祐夷婦米魯戕滅
土官支屬謀奪官職地方近又聚衆拒捕敵殺官
軍兇惡逾甚今特命爾前去提督軍務照依兵部
議奏事理傳采衆論講畫方畧會計錢糧酌量地
方遠近官兵多寡隨宜徵調會合勦殺各該鎮巡

等官俱聽節制一應軍馬錢糧等事悉從便宜區
處爾須親臨調度申嚴號令相機殺賊土兵所得
賊人財物畜產就給本兵官軍斬獲功次送巡按
御史紀驗明白以憑陞賞欽此欽遵又節該欽奉
勅逆賊米魯等糾衆據險將鎮守內官及三司方面
等官刦虜殺害損折官軍朕念生靈荼毒賊惡貫
盈不可不痛加勦滅各兵至日爾宜斟酌調遣宜
布恩威明示賞罰令其奮勇効力會合勦殺務俾
逆賊授首地方獲寧斯副委任欽此欽遵臣到貴
州仰遵

勅旨傳采群策調度兵糧商確攻戰計畫已定即於
弘治十五年正月二十八日進至查城齊集調到
軍兵會同鎮巡等官申嚴號令明示賞罰謀取衆
長兵分八哨參將趙晟督領清浪備禦官軍并永
順兩口等處長官彭世英等土兵從大盤江左
哨進兼提調各哨都指揮張泰李堂領普定等衛
官軍並酉陽宣撫冉舜臣等土兵從小盤江右哨
進都指揮崔鐸僕宇領永寧等衛官軍并播州黃
平安撫司同知楊才等土兵從右盤江中哨進兵
備副使周鳳督同都指揮黃京等官軍并督領泗

州城頭目王傑班繼黃瑯等土兵從若布河後哨
進尤慮大兵壓境各該城池并盤江恐賊窺伺分
委都指揮楊芳洛忠正湘魏紀司繼先各嚴加國
守總兵官曹愷統兵於盤江東岸劄營遙振通行
督責巡按監察御史戴乾左布政黃璉右叅政羅
安左叅議王果僉事龔嵩朱儀俱隨軍計議往來
督哨軍需賞勞仍委左布政使黃璉經理軍儲餽
餉分委叅政羅安叅議王果區畫并知府任儀羅
僕隨同饋運又恐各哨別有姦孽行令僉事龔嵩
朱儀隨同御史戴乾巡察及行鎮守雲南總兵官

黔國公沐崑巡撫右副都御史陳金親詣交界地
方督率三司都指揮劉桓孫輔李增左布政使李韶
叅政張朝用叅議張璠副使王臣包格僉事王懋中
各整兵備糧運謀設策將在彼軍兵亦分為四哨
從亦資孔羅雄州亦佐縣拖長江四路進八面會
合一鼓齊攻臣領都指揮李政指揮李佐等軍兵
親臨調度居中節制遇有各哨報道勅敵時出奇
兵策應致仕署右都督王通及監軍紀功監察御
史黃珂適至軍前王通贊畫謀畧黃珂欽遵原奉
勅內申嚴號令明正賞罰事理嚴督各哨軍威益振

隨該叅將趙晟開報正月二十九日兵住查城先
選驍勇官兵一萬員名取路前進將賊首朱魯福
佑儻惡六墜管下阿舊等七寨克破斬首三十七
顆各賊因見我軍勢盛抵敵不過夤夜奔過大江
投依毛口等寨聚集長牛皮古蠻賊要來截殺二
月初五日親率軍兵設法置造排筏壓二筓等器
至初八日督令都指揮張泰李堂等率領軍兵奮
勇躡水過江殺退賊衆就陣斬首一百三十四顆
餘賊丟棄鎗刀奔命潰散本月十一日又督軍
搭橋過江連日哨搜六墜山箐節斬賊級二十九
顆探得餘賊奔入箭迷山高險難攻累令鄉導誘
撫不肯下山十三日督發軍兵分路齊上與賊對
敵就陣斬首三十五顆各賊怕死情愿投降照舊
當差十九日統兵大盤江劄營瞭見蠻賊裝河西
岸下把截拒敵當督指揮劉懷等率領軍兵沿河
撐船過渡與賊對敵斬首一十七顆餘賊奔散二
十日督軍搭架浮橋二座修砌完斷路道二十餘
處二十一日領軍過江哨通保甸答馬章等舖要
路直至安南衛解圍進城人心忻悅連日督發
軍兵出哨仰古定王山寨遇賊迎敵各兵齊擁向

前殺敗賊衆陸續斬首五十一顆二十三日又督
軍兵哨攻阿蒙山寨斬首一十六顆二十四日攻
打大規模寨斬首一十顆二十九日分兵攻打賊
首阿舊寨遇賊出敵斬首四十四顆俘獲賊首阿
舊母妻三月初二日移兵進至阿傍寨劄營督軍
前去攻打阿保利硬寨斬首二十六顆初三日復
搜阿舊山箐并哨攻營嶺寨共斬首一十五顆初
九日起營至江西坡遇賊出沒進趕入箐斬首二
顆就於新興劄營十一日發軍出哨歹踈箐斬首
一十二顆二十四日統兵躡塘探賊開通晉安道
路二十五日就攻福佑為惡家奴第三寨斬首六
顆四月初二日督軍攻打狗大竹山箐哨蠟科
箐共斬賊級四十顆本月二十三等日哨搜革下
沙索山箐生擒反賊一名斬首六顆通前共擒斬
賊級四百八十一名顆俘獲賊屬男婦大小五十
八名口奪回被虜男婦四十名口燒毀賊房倉二
千餘間得獲賊牛馬猪羊牲畜米穀無筭又准總
兵官曹愷開報督領先在盤江東岸劄營官軍并
酋陽保靖等處土兵自二月二十等日節次搭造
浮橋過江用巴山虎壓二色年器出奇正之兵用

間謀之謀克取阿滿扯鮮享雜等寨并渡奪盤江
攻搜阿以沙索等山箐硬寨擒斬賊級共五百一
十五顆跌崖落水反被火燒死者不計其數俘獲
賊男婦一百名口奪回被虜旗軍男婦一百八名
口得獲猪羊牛馬萬數燒毀賊房倉二千五百餘
間又准致仕署右都督王通開報率領軍兵自三
月初一日過盤江進抵安南衛因各哨官軍土兵
告稱普安蠻賊兇狼難敵累以計謀嚴諭將士所
向克捷會臣選差鄉等李受等多方設計前去蘆
塘賊寨取出被虜太監楊友又節督指揮葉曇等

領兵攻克阿黑阿鷄涉索等二十餘寨斬首二百
四十七顆燒毀賊房倉不計其數又據督軍兵備
副使周鳳呈報領兵從砦布河進哨探得蠻賊萬
餘在長牌嶺高頂據險立柵山陡難攻二月二十
日多方設法督率軍兵狻騰蟻附併力齊進賊徒
接戰自寅至申擒斬賊級一百四十四名顆跌崖
死者不計其數兵鋒乘勝長驅又追斬首級二十
七顆十三日率兵直抵安南衛賊方遠遁圍困已
解速發軍兵三次哨通盤江官路接濟軍兵本月
十七日又督土兵三萬分路攻打三寶阿黑紫塘

大章羅廷等寨蠻賊拒敵軍兵奮勇殺敗擒斬賊
級九十七名顆二十六日移營到阿舊寨山下遇
賊對敵斬獲首級一十八顆三月初一日督兵四
萬從地名者羅移營至廖旗箐阿堅地方瞭見蠻
賊數千馳劄高山迎敵亂下播石弩箭軍兵奮勇
登上殺敗斬首四十二顆餘賊奔散初二日又督
兵攻打石頭魯泥砍者必康等寨首賊阿鳥騎馬
率領賊徒拒敵副使周鳳親冒矢石射仲阿鳥墜
馬臨陣斬獲首級軍兵乘勝斬獲餘賊首級三十
一顆初三日又督軍兵攻打普刺次雙蘇羊場以

立堡所宗賊寨擒斬賊級一十九名顆初四日又
督軍兵搜捕廖旗箐遇賊五百餘騎迎敵軍兵奮
勇斬首一十八顆初八日訪得蠻賊藏匿南俄山
洞據險樹柵當督頭目王傑班維率兵二萬等見
賊洞四面攻圍三日克破斬獲賊級一百一十顆
十一日又督兵宵至蘆塘賊婦米孕等聚賊三千
餘徒迎敵交戰數合頭目黃蠻奮勇臨陣斬獲不
知名首賊級一顆餘賊潰散十五日發兵攻打法
泥賊寨斬獲首級四顆餘賊遠遁移兵至安南千
戶所解圍當督都指揮魏紀統領安南千戶所官

軍并營長阿葉達等土兵月日不第攻打阿克刺沙查等寨并搜龍場楊溪石關口等山箐與賊敵戰軍兵奮勇殺敗擒斬賊級共二百一十三名顆又督都指揮黃京指揮陶英發兵復搜廖旗箐斬首一十七顆又督指揮司繼先致仕都指揮吳庸統領安籠千戶所官軍并安隆洞黃草坵堡靖等處土兵日期不等攻打播欵欵打等寨并哨搜色妹山與賊敵戰殺退斬首共一百一十七顆又督都指揮張秦李堂等各哨軍兵節次攻打馬尾籠阿雜籠猪洞阿馬坡革下等寨擒斬賊級共一百五十

一名顆四月初十日公同都指揮楊芳致仕都指揮吳庸保靖舍人彭翰計擒首賊一名未稟通前擒斬賊級共一千一百一名顆俘獲賊男婦一百三十三名口奪回軍器三百件被虜旗軍男婦一百三十五名口得獲賊牛馬猪羊二萬三千餘疋隻燒毀賊房倉五千七百餘間又據坐營都指揮李政呈報率領總營精銳軍兵往來督戰截殺二月二十三

日攻搜盤江等箐并攻克阿奇阿朗白箕革下五十三寨軍兵奮勇敵戰殺敗斬獲賊級二百六十一顆俘獲賊男婦三十五名口得獲挨牌鏢弩三

百件牛馬猪羊不計其數燒毀賊房倉五百餘間
又據都指揮楊芳呈報月日不等節次領兵與賊
交戰奮勇殺敗擒斬賊級三百六十名顆俘獲賊
男婦一百名口奪回被虜旗軍男婦一百七十四
名口又據都指揮洛忠呈報節次督領安南等衛
官軍與賊交戰斬獲賊級五十一顆俘獲賊男婦
六名口奪回被虜男婦四名口又據都指揮王湘
顧宣司勲陳灝指揮陸儒趙綱并營長阿贖等呈
報節次把路搜箐擒斬賊級共一十四名顆又據
都指揮楊芳等呈稱率兵攻圍馬尾籠寨蠻賊阿
宗等因惧我兵大振自令通事懦黑等將節年為
惡首賊阿舊綁縛解官乞免已罪就給旗榜安插
及楊芳又將福祐管下火頭首賊波衣設計擒獲
解官又准巡撫雲南右副都御史陳金咨報本年
月日不等准臣移文差官執旗并監軍紀功監察
御史黃珂行文各催督會同總兵官黔國公沐崑
親詣平夷衛交界地方將所調武定等府州縣土
官知府等官鳳英等派官知府王嘉慶稅新等指
揮等李素等軍兵并召募勇士四五萬數整點齊
備依前行令左布政使李韶叅政張朝用叅議張

璠副使包裕僉事王懋中都指揮孫輔劉桓或分
哨督軍或區畫糧儲本年二月初一日兵至曲靖
衛地方駐劄賊首福佑等正攻打平夷千戶所地
池隨即發兵進勦該所已被所攻破本月初四日
賊首米魯福佑等領兵會合矣蘭等寨賊兵攻打
平夷衛後所大河扼勒等屯堡隨督軍兵與賊對
敵將福佑親男阿智臨陣砍傷身死福佑痛恨又
令伊管下火頭阿唐甫領兵前來劫營各兵奮勇
向前迎敵當被革職指揮把忠將阿唐甫射傷落
馬擒獲餘賊潰散隨將賊巢矣蘭沙陀馱槽黑納
婆衣等寨箐俱各免破擒斬賊級四十九名顆俘
獲賊男婦九名口奪回被虜男婦五名口本月十
五等日賊首福佑統領賊兵將樂民千戶所城池
國困攻打甚急又督令官兵會合到彼賊兵惧退
其圍遂解本月二十二等日又督軍兵攻打黨惡
阿剌綁密徒崖鬼者束干黑松林等寨箐夜被福
佑帶領賊兵功劫土官阿驥等土營各兵奮勇向
前擒斬賊級八名顆俘獲賊男婦九名口奪回被
虜男婦四名口藥箭射傷賊死者不計其數次日
土官知府鳳英等督兵將福佑追至徒崖硬寨與

伊對敵當將伊有名賊徒阿古東 斬首餘賊擒
斬一十九名顆移兵至平夷衛本年三月初三等
日僉事王懋中等訪得福佑已歸本寨督令知府
等官王嘉慶等領兵襲其後土官知府等官鳳英
等領兵扼其前先將本賊隣近諾東木衣塊新等
寨一一攻打絕其外援射傷賊徒一百有餘擒斬
賊級二十九名顆俘獲賊男婦一十九名口奪回
被虜男婦一十六名口餘賊奪走入等本月初五
等日各官督兵攻打本賊硬寨奮勇齊心一呼而
破本賊聞風先遁擒斬賊級五十一名顆俘獲賊
男婦六十二名口奪回被虜男婦六十一名口當
將本賊上下二寨房屋盡行燒毀彼有福佑親信
賊首阿機車逃在多羅箐箴縣土官鳳英緝知發
兵將阿機車擒獲其平夷衛附近賊黨仍肆從橫
又督併左布政使李韶副使包裕都指揮孫輔日
遂領兵出哨將亂石灘克撒卜革洗落則叢檢甲
木右阿哈阿史密希濟鐵池攝勒黑泥毋鮓撒俄
等寨賊巢一一攻破擒斬賊級共二百三十二名
顆俘獲賊男婦一百二十三名口本月十五日雲
南按察司副使王臣公差回任訪得本官才優識

遠行委領兵并分巡安普道地方隨該監軍紀功
監察御史黃珂行委紀驗功次本月十七日三司
領軍官員訪得叛賊福佑等俱逃往馬尾籠等寨
藏躲隨即發兵追攻前到地名你工千下營探得
烈名崖洞有賊在內躲聚門設誹柵三重前有大
河崖勢險惡名官督兵設法攻破斬首一百顆又
訪得賊首米梁并蠻賊阿宗弟阿敞等聚集賊徒
俱在地名阿匝籠藏躲名官又督兵前去各賊預
於本寨隘口用石壘砌險惡尤甚軍兵奮勇攻破
斬首三百顆俘獲賊男婦一百五十一名口奪回

被虜男婦三十一名口本月二十六日都指揮孫
輔督兵前到馬尾籠寨江邊駐劄本日夜賊婦米
魯令伊親信首賊李聰帶領賊伴一十五人前去
羅雄等處探路要行逃走當被伏路巡哨軍兵緝
知奮勇向前將李聰等六名擒獲又斬獲首級九
顆本月二十七等日三司官員督兵追攻馬尾籠
寨賊首米魯福佑等率兵拒敵土官知府鳳英等
齊心并力奮不顧身將福佑并伊妾適國及賊婦
米魯首賊張保容張定王得俱臨陣格殺身死俱
得獲身屍并節斬首級共五十五名顆俘獲賊男

婦六十七名口本年四月內僉事王懋中又訪得
福佑管下首賊阿塊傍阿塊里節次率領賊兵攻
打城池屯堡差遣土舍海岳營長阿保益等領兵
搜捕至諾東山箐得見各賊行兇拒敵阿保益等
奮勇向前將阿塊里格殺斬首阿塊傍生擒本月
初八日領軍左布政使李韶副使王臣包裕僉事
王懋中都指揮孫輔劉桓因見馬尾籠寨十分險
峻攻圍七日未免責令知府鳳英等與本寨打話
挾諭蠻賊阿宗依聽將節年主謀叛逆江西客人
龍清監生洪子華張禧福佑妻攝受男阿雜米魯

使女阿燦俱送出營龍清仍肆兇惡當被鳳英格
殺斬首與同洪子華等俱獲本月日期不等節次
督兵攻打白石崖拖長江響水岡小竹山法那矣
蘭沙鍋儘奴烏蛇等寨山箐共擒斬賊級八百五
十名顆俘獲男婦四百四十九名口五月初一等
日督兵攻搜東山白馬山係齊黑泥獨水等寨箐
共擒斬賊級三百二十二名顆俘獲賊男婦二十
四名口有名賊首已獲一十九人一方之患由茲
而息等因并將賊首米魯福佑全屍及生擒洪子
華等各開解到臣會同監軍紀功監察御史黃珂

審驗明白隨將米魯福佑砍取首級將身屍分解
發各處梟掛及查得官軍土兵擒斬功次自三
月十六日以前該巡按貴州監察御史戴乾紀驗
十七日以後該監軍紀功監察御史黃珂紀驗各
詳審嚴覈一無妄冒總計雲南貴州各哨生擒一
百九十七名斬首四千八百一十六顆共該擒斬
五千一十三名顆俘獲賊男婦一千三百一十五
名口奪回搜虜男婦五百七十八名口攻破一千
餘燒毀房倉一萬七百餘間得獲牛馬猪羊三
萬三千餘疋隻一舉蕩平役不再藉臣等議照普

安賊首米魯福佑節年倡亂乃其厲階米朶阿舊
張禧洪子華等同惡三謀為之羽翼戊滅土官支
屬敵殺捕官軍鎮守太監既方面官員又多殺害
毒流千里屯堡為之丘墟禍及兩藩生靈為之塗
炭一旦天厭其亂神奪其魄渠魁授首餘黨伏誅
晉安安南二衛地方俱已寧靖無虞矣仰惟

皇上受天明命君主華夷

聖謨神威超越千古武功文德光被四方是以臣等
得効犬馬之力用圖消埃之報師出萬全事無一
失疆土復往時之版圖道路通舊日之賊貢遠近

交懽軍民胥悅此皆
皇上威德及遠之所致也臣等不勝慶幸仰戴之至
其各該文臣武將宣力効勞如巡撫雲南右副都
御史陳金遠臨邊徵嚴提將士先事運謀臨敵制
勝鎮守雲南總兵官黔國公沐崑鎮守貴州總兵
官豐潤伯曹愷致仕署右都督王通協守貴州右
叅將都督僉事趙晟巡按貴州監察御史戴乾監
軍紀功監察御史黃珂雲貴二處左布政使黃璉
李韶叅政羅安張朝用叅議王杲張璠副使周鳳
王臣包裕僉事龔嵩朱儀王懋中都指揮李政楊
芳洛忠張泰李堂崔鐸侯守正湘司繼先魏紀劉
桓孫輔李增知府任儀羅璞王嘉慶稅新指揮左
佐等或督率兵將致克捷之功或紀驗功次息軍
中之弊或親臨戰陣極其勞瘁或整理錢糧盡其
心力此皆功勤顯著者也不敢不錄除將生擒從
賊會審斬首并原獲首級俱發梟掛俘獲賊屬男
婦幼小堪用者養候老弱不堪者變賣奪回被虜
軍民男婦給親完聚獲到牛馬猪羊給兵充賞器
械入官有功等項官軍人等行紀功監察御史及
用過賞功銀兩等項行雲貴二布政司各造冊

奏繳其招撫過脅從夷民行各該州衛安插復業漏
殄迹匿殘賊行雲貴鎮巡官處設法擒捕務令盡
絕有功再行紀驗其賊首朱魯福佑首級并福佑
妻男與情重朱朶阿舊波永適得洪子華張禧等
俱發都布按三司會同取招一併解京及於本月
五月十一日班師外緣係捷音事理具本專差
齎捧謹具題

平蠻錄

東征紀行錄

播境有苗弗靖予奉

命率師撫勦以成化十二年丙申秋九月廿日發蜀

城從眉嘉叙瀘舟行凡十有二日達重慶府自重

慶陸行九日播播州整飭兵旅凡廿有三日自播

州三日達餘慶長官司又二日達白泥長官司又

一日至黃平安撫司駐劄行事又四十五日始事

竣首尾凡一百奇三日惟行役有誌古人是重况

興成大事又可無紀因自重慶師行至班師之日

凡所經歷山川與應事接物之槩各備書之且各

系以小詩一首用備他日間覽古行不載也

本年十月初八日重慶發軍渡江而南登城南高山整肅士馬將佐以下壯氣可掬馬上口占四絕句云長子帥師吾豈敢誤承兵柄付書生南山高處行軍令龍虎雄才聚柳營○鳴笳壘鼓發渝南手挈三軍駕兩驂料得東苗諸部落馬前不信是張堪○犬苗山谷恣跳梁

聖主寬仁浩莫量諄示小臣毋妄殺賊魁擒盡更擒王○千萬貔貅入播來秋毫無犯市門開此行本為安邊計說與諸苗莫浪猜是日宿百節驛依山而

行陂平相半人不覺勞驛在溪橋之口面燕尾山水聲汨汨雲山壘翠亦有佳趣更成一詩百里長途險復平肩輿緩步踏行明朝纔是崎嶇道入播初經第一程○初九日過白渡驛宿綦江縣是日途次大風有寒意竹境有山鬼然在東起自重慶城南為真武山中為雲篆在百節為燕尾在白渡為鳳冠在綦江為太公皆一山發踪綿亘二百餘里轟轟起伏不絕漫不識其所關也有詩紀之峯峦凌亂白雲封綿亘束束幾萬里形勝不全名亦異只堪瞻翫不堪從○初十日宿東溪驛是日微

兩過綦江三十里有山名魚梁高不可名土人謂此山直抵播州千里不斷東行百餘里皆高山懸崖曲折艱於趨陟而兩山樹木蒼鬱翹翠可愛亦足以豁幽懷也峯岫潑黛號魚梁萬疊牽連至播陽形勝有餘行部惡宦情到此倍淒涼○十一日宿安穩驛是日過桂厓與九盤坡閻王扁皆羊腸鳥道若下井登梯居人綦播相叅玉音不可省九盤曲折白雲邊下視平途井底連始信前人不欺我分明蜀道若登天○十二日宿松坎驛即古夜郎故地蓋李白所貶處去驛不三舍有縣治遺址

及竹王祠基尚存是日過清齊木交二坡甚崎嶇不可登行者○于宣慰使楊愛率其部屬逆至境上貴州鎮守總兵巡撫三司亦遣指揮二人至途間懷古有詩按節三苗過夜郎徘徊因笑謫仙狂人亡邑廢名空在猶有祠基說竹王○十三日宿桐梓驛其日過九龍山山有合抱青桐萬樹周圍九山環遶一山在中土人謂之九龍奪珠又過櫃崖崖如削壁上有懸石如櫃形土人謂魯班有木具在內人近視之輒出奇怪殊荒唐可笑為之詩曰顛崖懸石形如櫃怪誕相傳鬼物封矗起一山環

九嶺土人號作奪珠龍○十四日宿播州驛倍謂
鬼崖又謂昂山其日過滴泪三坡坡皆陟數里迤
邐陡峻與夫拾級而上流汗如注予亦步登不百
步如重負在足喘息莫之前又過大小二箐雖不
高險而廣薦大莽樹陰交合竟目不見天色殊是
淒楚已而廣東宋巡撫時傑遣百戶劉昇至詢之
舊事歷歷非前日有可感者紀行有詩何代人稱
滴泪坡陂陀一望更嗟峨輿夫躑躅頻輝汗拾級
行行費力多○十五日宿永安驛俗名四渡水是
日過樓山真山多磔硤圓尖獨立如樓連珠數十

不止故名中道兩山相峙樹木蒼鬱曲迳百折望
之殊覺而路而迤邐七十餘里皆能容八人肩輿
亦可愛也抵晚楊宣慰又率屬來迎道十有言兩
山對峙樹交加一迳潛通百路賒翁鬱不知天色
瞑馬蹄薄驛日西斜○十六日抵播州為湘川驛
是日山勢自永安驛至播已漸抵路可通車民富
庶有江南氣象揚宣慰父子率其土兵萬人布營
壘於十里之郊砲馬交作軍容甚都抵城宿宣慰
司謾賦一詩山到湘川勢漸平田連阡陌戍連營
居人萬井青山外雲水中間是播城○十七日與

楊輝宣慰計議行軍事宜彭叅將遣指揮許昂至
○十八日為布政副張僉事于言至彭叅將再遣
百戶議兵事至○十九日貴州都指揮許昂遣平
越衛江指揮議進止○二十日陳蒙爛土舊土官
張冕子永慶率其子與部屬三人洎天壩苗平寨
首保阿利遣其部苗阿添皆至納款示以軍威曉
以利害給以榜文火牌各苗遂叩首刻木願以諸
寨來歸勞撫而去○二十一日出演武場觀兵犒
師條示行軍進止之宜○二十二日定行軍次第
○二十三日邊典史侯祥往貴州議邊鎮撫毛穎

往酉陽約束土兵○二十四日微雨頗寒衣加薄
綿○二十五日遣指揮劉忠率合州江津等處兵
快千三百人為先哨因喜叛寨尋聞風納款賦一
律識之萬里遐荒古夜即提兵十日駐封疆攷鐘
伐鼓將從事吠犬跳酋漸息狂儒者帥師真自魏
遠人違化正宜傷試憑一紙招安檄盡取苗圖獻
聖皇○二十六日遣千戶劉泰率巴縣永川各縣民
兵千三百人為次哨○二十七日微雪宣慰楊輝
父子率其部屬土兵八千餘人攜纛啓行為三哨
再給榜遣千戶到顯全頭目楊廣八天壩深寨紹

安○二十八日自調不謹遂成採薪之憂通夕不寐枕上口占自訟自喻瘴鄉臥病若為情伏枕支頤百感生藥鼎不除通夕火漏籌數遍五更聲謬悠厚享宜承罰檢點平生頗自明斗柄來朝當建子也知剝盡復元亨○二十九日遣指揮李鑛率長寧鏢手千人為四哨貴州都司差指揮高賢賚文至○三十日遣指揮宋禎率江安鏢手千人為五哨是日二司官先發○十一月初一日貴州巡撫鎮守總兵遣指揮楊雄來議進止○初二日恭遇萬壽聖節率屬行禮畢誌喜有詩慶雲扶日上蓬萊

萬歲君王壽域開大地歡聲同舞蹈九天佳氣見昭回瞻依身在遊荒外忠愛心從炙背來天保詩成偏雀躍臨風欲獻媿微才是日都指揮李璋輕騎先發為招撫之計已而茂州孫叅將差百戶陳祥賚文至○初三日原差賚榜招撫頭目何清回備陳招安之由與丹章密秀久叛山苗何撫之意隨差千戶都貴從三司前進招安○初四日晴○初五日閱武且犒戎縣鏢手○初六日遣百戶王永慶率嘉定等州縣民快千二百人為六哨是日住播已廿日燈下獨坐忽成老母之思為之悵快不

勝懷抱賦詩自訟獨坐悲身事高堂有老親音書
勞歲月定省曠昏晨霜髮能欺客塵纓解縛人式
微徒在誦捲卷益沾巾○初七日微雨遣百戶張
永讓率式縣鏢手七百人為七哨三司既先發而
未塩戎馬之事萃於一身殊覺尾瑣因賦一律自
喻同事者僻壤誰籌筆軍門自拱稽牙旗朝布令
刁斗夜聞鼙殺伐非吾志懷柔是本題三苗雖異
種一視總黔黎是日石硯宜撫馬澄率土兵至○
初八日犒石硯土兵郁貴回自白泥○初九日率
師發播東行馬上有口占晚總三軍發鳴笳吶喊

齊瘴烟隨日散壯氣碍雲低羽纛金輝日花駘鐵
果蹄狂苗因落膽枚款莫猜儕其日循山依澗而
行不堪崎嶇中道登高山立馬四里萬山在目莫
知所窮火地水田殊無隙地蓋士人不事江商竭
力耕作然也晚宿仁水驛立馬高山望遠天層巒
疊障画圖懸林林萬井深山裏不見人居見竈烟
○初十日宿涓潭驛其日甚寒高樹雪片凍合不
解望之真瓊林一樹而次深箐高山草莽蔽日茫
若無路疑睇山次竈烟如雲詢之則土地肥饒池
利甚厚人樂居之且無訟無盜蓋過於播中諸處

遠矣喜而有詩不問征苗且問民水田山地兩宜
人鄉無盜賊民無訟疑道湄潭別是春○十一日
至鰲溪驛宿餘慶長官司其日過土門嶺與野猪
山皆崇山廣箐踰此雖高低曲折亦可容車自湄
潭東行四十里皆湖廣偏橋衛屯田與播民相叅
住漸東行廿餘里率荒野無人居惟長奔帷石相
為高下然地多蕨蕒一望如黃雲土人藉之充饑
民不滿二里流亡相半而全設正副長官輕肥自
若豈撫綏之失道歟事雖懲究詩以紀之征旆行
行日欲西黃茅深處是鰲溪民惟十室官全設誰

把流亡戶口稽○十二日宿岑黃驛其日過茅山
坎其山蜿蜒自北而南差竅不可名猪山趾行廿
里為茅坪舖從次口東進深谷幽箐竹樹蒙密路
在翠微絕頂上下兩難如此者又廿餘里始出坎
度烏江江不甚闊而東西兩山壁立相峙水如建
瓴急流奔湍怒號激搏艱設輿梁皆以桐槽篾纜
貫縛為渡倚岸即高山路從天落騎者皆舍馬步
登更十餘里為崖門高峻益甚行者呼喘流汗浹
背至絕頂處回首延佇萬山皆下而猿猱之聲呌
號鳴鳴聞之殊為淒楚蓋自綦江以東路之崎嶇

山之巖險莫有踰於此者山之西有路通草塘安撫司不里百尚沒閔隘土人守之過江而東皆草塘舊征苗寨自鰲溪至岑黃土人居者絕少惟崖門有偏橋二屯居人在焉而岑黃在曠野草莽之區四無人烟岑窵為甚驛官如過客居僅茅屋三間而已詩以紀之鰲溪東指是茅坪百種崎嶇未易名鳥道真從天際下馬蹄如在井中行一得江水人難涉萬仞崖門鬼亦驚自是客懷禁不得猿猴蹄樹更淒清○十三日宿白泥驛白泥長官司在焉其日過小鳥江與小腮箐路甚崎嶇土人號猓橫多住山趾近驛昏偏橋與隆黃平三衛所屯田頗為富庶畏途復道繞羊腸深箐長林走虎猓山水不全人亦異一般土著號猓橫○十四日宿黃平安撫司黃平千戶所在焉其日過大章大小二箐餘昏高嶺長坡迤邐斜險不可行三司官楊宣慰與貴州許昂都司各率官兵中道相迎日西抵城兩舍黃平路行行到日西箐依山趾去坡與樹稍齊疲馬逢高蹶寒猿到處啼却憐荒服地何事走輪蹄○十五日以天壩諸寨久招不報為憂五鼓時乃具衣冠焚香啓牘卜以靈棋得二上一一中

三下之課其象為天陰雲升陽從下與君子治亂
小人畏懋解之者曰陰竊陽位如雲之升盛陽在
下將登九五除逆禁暴象邪自消小懲大戒此卦
臨人宰制及長吏得之最佳筮畢予乃喜曰事常
濟矣遲明楊宣慰果率人叛新服苗頭寨長寄保
等十有三人來歸寄保蓋積年賊魁諸寨長皆聽
節束者撫諭既事且自相刻未發誓願以所占曰
寨還上刻曰各歸原巢冀免殺伐因曲原之犒賞
遣歸合營萬率聞寄保納款皆哭言啞啞吾黨亦
為之解願兵法所謂不戰而能屈人之兵者有矣

於是益信靈棋報人之不爽也賦詩識喜遙持節
鉞到黃茅尽道斯行殺氣高龍虎三軍初入境大
酋萬醜已投刀蛮烟瘴霧隨風散封豕長蛇望望
逃從此播東康定去千戈高閣不須操其日彭叅
將差指揮張英來迎○十六日貴州都指揮司整
至自都勻舍人劉清任高自京回○十七日犒酋
陽邑梅土兵○十八日○十九日微雨指揮李鑛
安撫宋韜等率漢土軍兵六千三百人進重安是
日灣溪翁當等四十六寨寨長阿條等六十有五
人詣軍門獻牛二頭并以戈弩納款投拜各刻木

發誓悉还原占田寨懇乞罷勦犒賞撫遣而歸詩
以識之矢壩田初復灣溪寨亦歸大酋能听命戈
戟不勞揮次第施仁政權宜息殺機却慙疎淺術
萬里伏

天威平叅土兵至○二十日指揮劉忠率江戎二縣
鏢手千六百人前進叅將韓忠遣人賁文至○二
十一日大雪都指揮李璋率官兵五千七百一十人
統漢土軍兵二萬二千八百五十有一人入灣溪
撫勦不勝苗寨○二十二日宣慰使楊輝率土兵
九千人入重行安事湖廣都指揮鐵堅偏橋衛指
揮張齡至○二十三日以揚宣慰等率帥東征教
其善始慮終殊功憂懼乃集古詩句為八章勉之
○駟駟彭彭爰方啓行既敬既戒憂必京京○整
我六師其會如林夙夜匪懈不顯亦臨○肅肅宵
征躍用兵上帝臨汝赫赫明明○驕人好好念
子悻悻戎有良翰方炸元老○駟社駟駟烈烈征
師以謹醜厲無縱詭隨○哀我人斯民亦勞止豈
不夙夜行邁靡靡○征人伐鼓外禦其侮持盈守
咸繩其祖武○敬慎威儀續戎祖考世執其功南
土是保○二十四日雨○二十五日○二十六日

長至禮成有言長至年年在異鄉不禁此日寓遊
荒倉惺聲裏經三月肅殺時中見一陽天運如車
頻自轉容懷與日共為長浮生碌碌年華邁兀坐
書雲思眇浩是日得灣溪諸苗納款之報○二十
七日○二十八日貴州劉副使本麟叅議旻都指
揮張驥蔡英偕至是日千戶劉顯目徐叅自天壩
回聞已撫寨首寄保等皆約敗誓將為別圖○二
十九日遣劉顯徐叅入軍營○十二月初一日貴
州三司回○初二日彭叅將遣都指揮方瑛賚文
至黔江官軍至○初三日馬布政張僉事入重安
遣驛丞朱敏往清浪是日以天壩苗賊敗誓將事
攻勦復卜靈棋得三上二中三下之課其象為在
上方直下人供我有志不違所求皆得姑記以俟
抵晚遣百戶程俊入軍營○初四日重慶衛指揮
左貴率官軍東進○初五日遣土官同知楊鼎入
灣溪○初六日程俊自灣溪回馳報連日攻勦削
平諸寨斬俘數十人已而捷報踵至軍門歡聲如
雷殊可快也是日孫叅將黃叅議差百戶韓欽楊
雄賚文至○初七日遣長官張淵入營議事其日
楊鼎回自灣溪得容山新附四十三寨與丹章密

秀新附三十四寨納款之由丹章蓋六洞山苗素
無官府鈴束者今一旦得之亦可喜也○初八日
都指揮許昂差人至○初九日百戶程俊入重安
舍人王洪回自荆襄遣指揮宋禎率民鏢入甯其
夜一更漏下十刻迅雷閃電交作良久自西北而
東南如此者二非時而雷良可畏也○初十日大
軍移營入天塢○十一日遣舍人陳敷賚文往湖
廣且令順問老母居○十二日百戶程俊入天塢
張淵回自灣溪朱敏回自清浪二司移入清平○
十三日○十四日彭都督差人至宣慰使楊愛兒
弟回自重安布政司差吏目吳俊至○十五日寒
甚遣百戶楊雄入營○十六日大雪重安長官馮
琇回自天塢備言諸苗听撫之由○十七日長官
張淵入天塢茂州孫叅將差指揮顧恩賚文至○
十八日○十九日發戎縣鏢手回○廿日百戶楊
雄回自軍營○廿一日○二十二日以駐黃平為
久懷抱岑寂因院壁所函崆峒壽意輒題其上曰鷺
車兩月駐黃平世路干戈惱客情何似崆峒諸老
子等門騎鶴下瑤京是日張淵回自天塢巡按賚
州李御史差承差至○二十三日○二十四日劉

顯回自大埧○廿五日郁貴程俊回○廿六日三
司官與楊宣慰差人馳報自率師放入灣溪丹章
大埧諸苗或撫或勦彼皆望風披靡地方尅平以
是日班師仍留播兵一萬人為備禦之計以防剽
竊鳴笳疊鼓振旅而歸因原其行師首尾集詩傳
句為十章放古人鉦簫之意用識其事云其詩曰
旂旐央央載飛載揚式遏寇讎不敢怠遑一章檀
車煌煌武夫泯泯柔遠能迓覃及鬼方二章駕彼
四牡四牡孔阜我行既集執訊獲醜三章既出我
車既破我斧糾糾武夫仍執醜虜四章出車彭彭
如雷如霆赫赫厥聲適觀厥成五章擊彭其鏜干
戈威揚以謹無良以綏四方無此疆彼界莫敢不
來王六章我車既攻駕言徂東屈此群醜在泮獻
功七章赫赫叢叢一月三捷代鼓淵淵在泮獻馘
八章廼陟南岡既溥既長徹我疆土告成于
王九章鼙鼓逢逢以奏膚公于疆于理

天子之功十章右旂旐十章一章六句九章章四句
是日貴州鎮守巡撫總兵遣指揮楊雄至二十七
日犒勞回軍○二十八日發黃平○二十九日過
白泥道中有樹合抱勢子雲雷馬上伎痒披題以

詩用紀歲月鳴茄疊鼓擁班師不用唐屋更勒碑
手挈苗圖歸

聖域萬年樹上謾題詩○三十日抵餘慶長官司度
歲公寓岑寂百感縈懷悵然有作慙慙征驂度歲
餘感時閱已謾躊躇過來歲月應難復老至聰明
漸不如浮世幾何常作客遊荒萬里獨馳車遙知
故國高堂上白髮慈親正倚閭成化丁酉元日偃
指犬馬之年為五旬檢點平生多為謬妄望道茫
茫孔子所謂五十無聞韓子所謂聰明不及於前
時道德日負於初心者子皆備之矣拜

天舞蹈之餘輒有口占自訟萬方民物共欣欣又見
春光滿紫氣回首五旬成漫浪浮生百歲喜平分
光陰荏苒年華改道德蹉跎鬢雪紛遙相故山風
致好幾時容我息勞筋○初二日涓潭道中積雪
初消險途泥淖因念自為播東之後倏忽良久民
庶有飛藟輓粟之勞士卒有眠霜臥雲之苦茲得
凱旋舉有室家之念晝行宵征雖風霜勞苦不所
不憚既喜其歸又復閃之因集詩傳句四章以達
其意且以自閔云駟牡駢駢雨雪霏霏三事就緒
式遄其歸一章悠悠旆旌蕭蕭宵征君子于役式

過其行二章六轡如組王事匪安匪徐僕夫况瘁
胡寧忍余三章執轡如組王事靡盬征夫捷捷適
彼樂土四章右駟牝四章章四句○初三日過仁
水驛抵播州做裝吉行口占自諭且以諭人也瀟
瀟行李戎征途除却衣冠一物無抵恐傍人描画
誤也將蕙茲謗明珠○右紀行一通自出師至班
師回播止此外皆吉衍在所不錄然所紀皆日用
常事若為瑣屑漫浪無所闕紹至於山川道里之
險阻米鹽戎馬之徵調風俗氣候之不齊二物之
變態苗情之奸深與夫行李驅馳臨高履險可驚
可愕之事亦可槩見一二大抵播為古夜郎地去
蜀二千餘里人情風俗與蜀頗同而大塊大洞諸
地則三苗種落去播又千里王化不覃實封豕
長蛇之區其地險而深坳其人悍而貪殘蛇蠱魘
毒家以為常拂之必中中之必死喜人怒獸殊無
倫理資長鏢大弩為利以吞併占奪為能矧自據
有天漂沐獠田寨垂三十年所司頻年招撫莫之
或德總戎大師亦當兩入其地竟莫能闖其藩籬
雖欲為招撫羈縻之計亦不可得今以書生帥師
奉

辭撫勦而兵戈所至之境昏望風披靡投戈授首
不敢仰抗若穿中之虎繒中之魚乃使數千家被
逐苗民得以唾手光復舊物而我全師凱旋者豈
兵力所能讐服哉豈群醜積釁深重

皇天悔禍鬼神默懾其狂而又

聖天子威德無遠弗届之所致公膺小子何敢自冒
其功邪天自與師以來執戟之士臥雪眠霜轉輸
之民勞筋苦骨繹騷一方靡費公帑驅馳焦勞百
端叢脞顧用事之禮艱而成功之不易傳所謂民
亦勞止汔可小康者是已惟者苗豕心朝誓暮悔

卒無常信未可遽同吾人氣指願使此在馭之者
何如耳馭得其道不失其心彼固馴服雖寇戎為
父子苟待之不以其信後之不以其昔或股削之
肆行或徵求之無度雖禮義之民不能保其不肖
而亦子亦為仇讐况彼弁裳血食之蛮貊於予故
於紀行之後謾贅興師尅復之難苗醜靡常之性
與有司撫馭之道如此用以自閱且以曉司馭者
豈徒為日曆云乎哉孝感八容不道人識

題東征紀行錄後

右東征紀行錄一帙

都憲孝感八察先生張公所著其間日系以事事
述以詩詩具以實故山川里道之遙蠻情風俗之
異兵衆之進止撫勦之宜否與夫號令處分之詳
跋涉馳驅之艱患備馬末乃復以控制綏懷之方
諭諸司馭者其用心可謂至矣蓋公奉

天子命巡撫吾蜀兼理邊務威惠賞罰一循至公用
是七郡晏然兵民安戢屬以播東之苗作冢屢諭
弗率爰叢兵往討之自啓行至振旅几得日終百

有三而大致克捷俾數年之患千里之域怙怙告
寧其神速如此非諳於兵法者不能噫以摘之愚
竊意公之所以致是者由也蓋用兵之道所忌者
驕驕則不能取勝矣今公則不然現其詩有曰誤
承兵柄付書生又曰儒者帥師真自媿至其成功
則又歸之

聖天子威德所致未嘗矜其長而有其勞其謙謙抑
異之心恒存諸中宜其不伐於言而足濟於事也
若謙之九三日勞謙君子有終吉公之謂歆音唐
裴晉公淮蔡之平宋虞雍公采石之捷皆以儒而
收將帥之功光昭史冊千載不泯今我公之美豈
多讓於裴虞者哉然則是錄也其將為今日太史
氏之所據焉者矣敢題諸後以俟

成化丁酉春閏二月之吉淮右徐禔拜手謹題

四

Blank manuscript page with vertical lines.

